


**AWIG-AWIG DESA ADAT
BUKIH**



**KAMEDALANG OLIH
KRAMA DESA ADAT BUKIH**

**KECAMATAN KINTAMANI
KABUPATEN DAERAH TINGKAT II
BANGLI**

WARSA 1994

PIDAGING

MAKA BANTANG AWIG-AWIG DESA ADAT BUKIH

MURDA CITTA	WIDANG
SARGA I ARAN LAN WEWIDANGAN DESA	1
SARGA II PETITIS LAN PAMIKUKUH	1
SARGA III SUKERTA TATA PAKRAMAN	2
Palet 1 Indik Krama	2
Palet 2 Prajuru lan Dulun Desa	5
Palet 3 Indik Kulkul	7
Palet 4 Indik Paruman	8
Palet 5 Indik Druwen Desa	10
Palet 6 Sukerta Pamitegep	11
Kaping 1 Karang lan Tegal	11
Kaping 2 Pepayonan	12
Kaping 3 Wewangunan	12
Kaping 4 Wewalungan	13
Kaping 5 Bhaya	13
Kaping 6 Penyanggran Desa	14
Kaping 7 Indik Pariwertu	15
SARGA IV SUKERTA TATA AGAMA	15
Palet 1 Indik Dewa Yadnya	15
Palet 2 Indik Rsi Yadnya	19
Palet 3 Indik Pitra Yadnya	20
Palet 4 Indik Manusa Yadnya	26
Palet 5 Indik Bhuta Yadnya	26

SARGA V

SARGA	V SUKERTA TATA PAWONGAN	28
	Palet 1 Indik Pawiwahan	28
	Palet 2 Indik Nyapian	31
	Palet 3 Indik Sentana	32
	Palet 4 Indik Warisan	34
SARGA	VI WICARA LAN PAMIDANDA	37
	Palet 1 Indik Wicara	37
	Palet 2 Indik Pamidanda	37
	Palet 3 Indik Rerampagan	38
SARGA	VII NGUWUH-NGUWUHIN AWIG-AWIG	39
SARGA	VIII P A M U P U T	39

MURDHA - CITTA

Om Awignamastu nama sidham,

Putusing Faseban Krama Desa Adat Bukih gumawe Awig - Awig Desa Pekraman maka cepet siku - siku pematut, wastu kasidan Prayojanan Mami kabeh preama angidepaken muah amanggehaken kadi linggih Awig - Awig iki.

Desa Adat wantah marupa pasayuban Krama Desa rauning kula warga pawongannya, manut dresta Desa kemanggehang Bhwana Agung, pawongannya soang - soang pinaka Bhwana Alit, kelih malarapan cantu Jagathita, sinanggeh murdhaning prayojana pangriptaning Awig - Awig.

SARGA I

ARAN LAN WEWIDANGAN DESA

Pawos 1

- (1) Desa Adat puniki mewasta Desa Adat Bukih.
- (2) Jebat Kakuwub wewidangannya mewates nyatur :
 - a. Sisih Wetan Desa Adat Belancan ;
 - b. Sisih Kulon Desa Adat Manikliyu ;
 - c. Sisih Lor Bajar Glagalinggah Desa Adat Kintamani ;
 - d. Sisih Kidul Desa Adat Bayung Cerik ;
- (3) Desa puniki kawangun antuk karang miwah Tegal ayahan Desa, turmaning tunggil dados abanjar.

SARGA II

PETITIS LAN PAMIKUKUH

Pawos 2

Desa Adat Bukih ngemanggehang Pamikukuh minakadi :

- a. Pancasila ;
- b. Undang - Undang Dasar 1945 ;
- c. Tri Hita Karana manut sada cara Agama Hindu.

Pawos 3

Pawos 3

Luwir patitis Desa Adat Bukih :

- a. Mikukuhang miwah ngerajegang sang Hyang Agama :
- b. Nginggilang tata prawertine meAgama :
- c. Ngerajegang pasukertan Desa saha pawongannya sekala kelawan niskala :
- d. Mikukuhin Awig - Awig, pararem lan pasuara.

SARGA III

SUKERTA TATA PEKRAMAN

Palet 1

Indik Krama

Pawos 4

- (1) Sehanan, sang jenek mapaumahan ring Desa Adat Bukih sane meAgama Hindu tur nyungkemin Kahyangan Tiga sinanggeh Warga Desa Adat Bukih.
- (2) Sejaba punika sinanggeh tamiu.

Pawos 5

Krama Desa wenten 5 (limang) Pawos luwire :

- a. Krama ngarep, Kulawarga sane ngamong karang miwah Tegal Ayah Desa ;
- b. Krama Batan Paha Kulawarga sane ngamong karang utawi tegal ayah Desa ;
- c. Krama Tapukan Kulawarga manut aksara a utawi b, sakewanten durung antes ngayah ;
- d. Krama Bala Angkep, Kulawarga sane tanpa karang miwah tegal Ayah Desa sakewanten sampun mawiwaha ;
- e. Sekaa Teruna Kulawarga sane ngawit mayusa 13 (telulas) warsa ngantos dereng mawiwaha ;

Pawos 6

Pawos 6

Ngawit patut dados Krama Desa :

- a. Sangkaning ngamong Karang miwah tegal Ayah Desa ;
- b. mawit pawiwahan ;
- c. Sangkaning nyepih (numbas, ngowaris, ngidih lan eopenunggalannya) karang utawi tegal ayah Desa ;
- d. Sangkaning pinunas ngeraga utawi sangkaning jenek mapaumahan tampek wewidangan Desa Adat Bukih saha kacumponin olih Krama miwah Prajuru kangkat ngeranjing mekrama Desa Bala Angkep.

Pawos 7

Panemayan tedun mekrama Desa :

- a. Nyabran ngewarsa nemonin tilem kasa karya mosa mejalaran artuk tatengeran sedereng arep ring Krama ;
- b. Nyabran Anggara Kasih Dukut mawit pawiwahan.

Pawos 8

(1) Sehanan Krama Desa keni tetegnan (ayah - ayahan) luwire :

- a. Ayah nyumek mapiteges urunan miwah ayahan mamungkul sakeng Krama ngarep ;
- b. Ayah Batan Paha mapiteges ayahan miwah urunan separo sakeng Krama ngarep ;
- c. Ayah Bala Angkep keni Ayah miwah urunan manut perarem ;
- d. Ayah tapukan keni urunan mamungkul prade krama ngarep utawi separo prade krama batan paha sakewanten kaluputang sakeng ayah - ayah ;
- e. Sekaa Teruna keni patedunan manut pinunas Krama Desa;
- f. Prade rikalaning ngayah wenten sinalih tunggil Krama matilar Sadereng puput karya, wenang Krama inucap keni pamidanda tajek laler kewastanin.

(2) Soang

- (2) Soang - soang Krama Desa sane ngerobang keluarga sejeroning mayusa 7 (pitung) warsa ngantos 15 (limolas) warsa patut ngamolihang kaweruhan saha keranjingang ring Sekolah 9 (siya) warsa ngantos puput utawi ngamolihang cihna antuk Krama sane ngerobang inucap ; prade mamurug wenang kedanda manut perarem, saha patut ngemarginin pidabdab sakeng Guru Wiseesa sejeroning nincapang kaweruhan.

Fawos 8

Krama Desa kedadosang :

- a. Mapoangkid utawi tan tedun apisan, rikala meyadnya manut pangelokika, matepetin, mapewangunan (ritatkala ngeraabin utawi nasarin) miwah keluesan masengker 3 (tigang) rahina, selangkungnyane patut wenten kebebasan Prajuru, lan tios - tiosan manut perarem ;
- b. Nyada ; nyerhang ayah antuk Krama Ngarep, Krama Batan Paha, lan mademang ayah mawit Krama Bala Angkep kangkat mawit sampun mayusa 65 (enem dasa lima) warsa , sejawaning wenten parindik tios manut perarem ;
- c. Luput petedunan kengin sangkaning dados sadaka, pemangku Desa, pemangku Kahyangan Tiga, Dulun Desa sane cedangga banget tur tan madruwe roban sane patut nedunin, anak alit ubuh ngantos munggah deha teruna, lan sane tiosan manut perarem ;
- d. Nekel utawi ngelaga; nutug ayah antuk berana manut paetangan Desa sangkaning kajudi antuk sang mawang rat utawi jenek ring dura Desa ngerereh pekaryan.

Fawos 10

Wusan dados Krama Desa luwire :

a. Sangkaning :

1. Pinunas ngeraga sangkaning kesah kedura Desa utawi ngelangkung segara ;
2. Kenorayang dwaning sampun tan prasida ngecehin solah maprawerti state nguwig kecaping Awig - Awig ;
3. Seda utawi ceput.

b. Sang wusan mekrama :

1. Patut ngaturang ayahnya ke Desa ;

2. Tan

2. Tan jolih pah - pahun bankaning pedruwen Desa.
- c. Prade sang wusan mekrama pecak, ayat mekrama malih, kangkat yening sampun kecomponin antuk Krama saha patut naur penaub mekrama manut perarem.

Palet 2

Indik Prajuru lan Dulun Desa

Pawos 11

- (1) Desa Adat Bukih kaenter antuk Bendesa Adat.
- (2) Bendesa Adat patut :
- a. mawit sakeng Krama Desa ngarep ;
 - b. Keadegang melarapan antuk paruman, saha Prajuru soang - soang taler keadegang nyabran 5 (limang) warsa, sejawanning wenten parindik tiis kangkat kapilih malih ;
 - c. Patut nincapang kaweruhan ring sulur Agama lan Adat, turmaning tan ceda angka, ceda budi lan sepeunggalannya saha tan kapialang antuk Uger - Uger Panegara ;
 - d. Maduluran Dewa Saksi ring Pura Bale Agung.

Pawos 12

- (1) Bendesa Adat kesanggra antuk :
- a. Pangliman utawi petajuh pinaka wakilnya ;
 - b. Penyarikan pinaka juru surat ;
 - c. Petengen pinaka pengamong drowen Desa ;
 - d. Kesinoman pinaka juru arah.
- (2) Kesinoman akeh nis manut kawigunan saha magilir nyabran aeasih.
- (3) Sajeroning ngenterang niskala Bendesa Adat mingsingghang Dulun Desa lan Pemangku Kahyangan Desa.

Pawos 13

Pawos 13

- (1) Swadharmaning Bendesa Adat Luwire :
 - a. Ngenterang pelaksanaan sadaging Awig - Awig miwah perarem Desa ;
 - b. Nuntun tur ngenterang Krama rauhing Warga Desa ngupadi anut petitis ;
 - c. Mawosin kalih niwakang pamutus arep ring wicara warga Desa ;
 - d. Maka duta matemuang bawos ring sapa sira ugi.
- (2) Prade Prajuru iwang pelaksanaan keni pamidanda nikel ring kaiwangan soang - soang saha kangkat keraryanang manut perarem.

Pawos 14

- (1) Dudonan Dulun Desa ; mawasta saing 3 (kutus) luwire :
 - a. Jero Kubayan Kiwa Tengen ;
 - b. Jero Kubahu Kiwa Tengen ;
 - c. Jero Pengabih Kiwa Tengen ;
 - d. Jero Pamalungan ring Tengen ;
 - e. Jero Panakehan ring Kiwa ;
- (2) Dulun Desa keadegang anut ulu apad utawi sane dados keadegang wantah mawit sakeng Krama ngarep sakeng teben ngamunggangahang, saha sadereng munggah saing patuc kariyinin antuk ngaturang klaci ring Pura Bale Agung manut dresta.
- (3) Swadharmaning Dulun Desa Soang - soang manut dresta.
- (4) Petias utawi Olih - olihan Prajuru lan Dulun Desa Luwire :
 - a. Polih tanding tengah ;
 - b. Paweweh ring Dulun Desa pengangge arangsukan nyabran ngemasa ;
 - c. Luput rerampen ;
 - d. Petias sewosan manut perarem.

Pawos 15

Pawos 15

- (1) Prajuru Desa kagentosin riantukan :
 - a. Seda ;
 - b. Tutug panemaya ;
 - c. Wit eakeng pikayun rahayu utawi pinunns ngeraga ;
 - d. Kanorayang dwaning iwang pemergi utawi nilar sesana.
- (2) Dulun Desa kawusanang (kagentosin utawi lad) riantuk :
 - a. Sampun mayusa 70 (pitung dasa) Warsa ;
 - b. Rabin nyane lina ;
 - c. Prado melaksana Asta Dusta, lina, lad saha tioc - tiosan manut perarem.
- (3) Ngenorayang utawi ngentosin Prajuru utawi Dulu - Dulu patut sejeroning paruman saha kaingkupin antuk Krama Desa.

Palet 3

Indik Kulkul

Pawos 16

- (1) Kulkul ring Desa Luwire :
 - a. Kulkul Desa ;
 - b. Kulkul Banjar ;
 - c. Kulkul sekaa - eckaa.
- (2) Tabuh tatepakan Kulkul Desa :
 - a. Kalih Tuludan lambat, tenggeran tedon ngayah utawi parum ;
 - b. Tigang tuludan Bulus, tenggeran kapanca bhaya ;
 - c. Limang kelentungan lambat tenggeran petedunan wangde.
 - d. Tigang kelentungan lambat Tenggeran Pawiwahan ;
 - e. Tenggeran

- e. Tengeran Kelayu Sekaran (putus / beda) tigung kelentungan bulus.

Pawos 17

- (1) Kukul Desa utawi Banjar tan wenang katepak yening tan sangkaning pituduh Prajuru, sejawaning tenggeran kepanca bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan mangkana wenang sang mamurug kedanda manut perarem.
- (3) Suaran Kukul, tenggeran kepanca bhaya patut katedunin antuk Krama Desa saha makta gegawan anut bhaya.
- (4) Kukul sekaa - sekaa semaliha kukul pondokan - pondokan tan kalugra nyawerin (matehin) sukat utawi tenggeran kukul Desa prade mamurug wenang kedanda manut perarem.

Palet 4

Indik Paruman

Pawos 13

- (1) Paruman/sangkepan ring Desa Adat Bukih wenten :
 - a. Paruman Desa Kawentenang :
 1. Nyabran ngesasih tanpa arah - arah ngangken Anggara Kasih saha matenggeran kukul ;
 2. Napkala (Badgata kala) majalaran arah - arah saha matenggeran Kukul manut tetujon ;
 - b. Paruman Dulun Desa lan Prajuru , kawentenang nemonin Purnama Tilem lan Paruman tiyosan manut tetujon ;
 - c. Paruman Sekaa - sekaa manut pabuat.
- (2) Paruman Desa madudonan sekadi ring sor :
 - a. Praside lumaksana risampun katedunin antuk sang patut ngamiletin saha sampun terem , keriyinin antuk tenggeran kukul miwah mabusana nyalempot, medestar saha tan kalugra makta gegawan sakaluwire, tan maren ngarcane ring Ida Bhagawan Panyarikan.maka sarana widhiwidana cane;

b. Maka

- b. Maka sarana janggi, pengawit kolokesnayang penyacak sep-sep saha riwasannya nyacak, dadonan gung alit manut perarem ;
 - c. Tan kalugra ngewetuaken suara goro utawi byuta, yan hana mangkana, keni pamidanda pecamil kadi dandaning nguman - uman ring sabha ;
 - d. Pamutus bebawos beriak sepanggul (ingkup) punika kemanggehang, prade tan prasida suara makehan pinaka pamutus.
- (3) Prade pidaging paruman tan kaingkupin mangda Prajuru Desa ngilikang bebawos, saha putusannya mangda keraremin antuk Krama Desa bilih tan prasida kaungkemin jantos ping tiga Prajuru wenang nunas bawos ring sang ngawe wenang .

. Pawos 19

- (1) Sejeroning paruman Desa , Bendesa Adat patut nyiarang pemargin ngenterang Desa, pamekas nganinin indik :
 - a. Munjuk lungsuring pekraman saha ayah - ayah sulur artha berana druwen Desa ;
 - b. Rencana Prajuru nganinin usaha Desa kapungkur.
- (2) Pamutus Paruman Desa sinanggeh perarem maka pamiteger pelaksanaan Awig - Awig.

Pawos 20

- (1) Sangkepan Prajuru lan Dulun Desa kawenangang wantah ngerincikang pengerencana usaha Desa kapungkur.
- (2) Sangkepan Prajuru lan Dulun Desa tan kawenang ngewedalang tetegenan ring krama sadereng kaingkupin antuk krama Desa.
- (3) Pamutus sangkepan Prajuru lan Dulun Desa ngewetuang pasuara, maka pidaging pituduh sang ngawewenang utawi ngonekang perarem krama Desa.

Palet 5

Palet 5

Indik Druwen Desa

Pawos 21

Padruwen Desa Adat Bukih , sekadi ring sor :

- a. Wewangunan suci mekadi purhyangan/penyiwian - penyiwian Desa Adat jangkep saha sarana upacara pebaktiannya ;
- b. Balai Pesakman (Balai Desa Adat) ;
- c. Tanah laba Pura ;
- d. Tanah Desa (karang lan Tegal ayah Desa) ;
- e. Setra - Setra luwire : Setra Agung, Setra Alit, setra Selau, Setra Bantas ;
- f. Gong Barungan ;
- g. Ilen - Ilen Sekadi : Baris , Rejang Pendet lan pesantian ;
- h. Lembaga Perkreditan Desa (L P D) ;
- i. Tios - tiosan sane pacang manggeh druwen Desa.

Pawos 22

Olih - olihan Desa Adat Bukih luwire :

- a. Olih - olihan saking pelaba Pura ;
- b. Urunan Krama Desa Adat ;
- c. Paica saking Guru Wiseesa ;
- d. Paica - paica utawi usaha tiosan sane patut.

Pawos 23

- (1) Prajuru Desa wenang ngetanggung pamupon laba Pura lan sepepunggalan druwe Desa.
- (2) Pikolih lan pamuponnya keanggan prabeya piodalan saha wewangunan ring pura miwah sane tiyosan.

(3) Nyabran

- (3) Nyabran peangkepan Desa, Prajuru pengamong druwe Desa ngawentenang parindik munjuk lungsurung padruwe ring Krama Desa.
- (4) Sakaluwiring druwen Desa patut wenten ilikitananya.
- (5) Tan Kalugra ngadol, nyepih utawi ngesahang padruweyan desa yan tan kasungkemin antuk krama desa.
- (6) Pidabdeb indik kawentenon Lembaga Parkrediton Desa (LPD) manut perarem.

Palet 6

Sukerta Pamitegep

Kaping 1

Karang lan Tegol

Pawos 24

- (1) Krama Desa pangemong Karang desa patut ngawatesin karang inucap antuk pegahan utawi tembok mangda pakantenannya asri.
- (2) Wates sisi kaler miwah kangin patut kekaryanin antuk sang ngamong karang ayahan inucap sane mewasta magaleng keluwan, sejawaning tanah tegal utawi tanah Padruweyan ngeraga sane kapiara watese sisi kelod miwah kauh, reh punika mewasta magaleng keteben.
- (3) Prade kerasayang pegahan/turus inucap ngelikadin, yan pada area penyandinge nganggen pinget kewanten kesakei antuk Prajuru Desa utawi pracihna pal saking sang mawang rat.
- (4) Prade wenten Karang kebebeng mangda keutsahayang wenten pemarginya.

Pawos 25

- (1) Sinalih tunggil Krama Desa tan kalugra :
 - a. ngalah - alah margi, tegal ayahan, karang Desa lan sepenunggalannya;
 - b. ngalah - alah tanah, tegak kakyangan, setra, lan sekancan tegak sinanggeh suci .

(2) Prade

- (2) Prade wenten sekadi ring ajeng, sang ngalah - alah patut ngewaliang tanah inucap saha keni pamidanda sepatutnya, kadulurin upakara ring pengalah - alah tanah suci.

Kaping 2

P e p a y o n a n

Pawos 26

- (1) Ngawit sandur pepayonan utawi tanem tuwuh patut adepa agung ngajeroang sakeng wates, prade jantos ngeliwat wates wenang kecepat gantungan.
- (2) Yening wenten tetanduran ngungkulin, semaliha mewastu mayanin kpiisaga patut kewara antuk paiguman ping ajeng praside sang neruwenang wit ngerebah utawi notor.
- (3) Prade sampun kewara taler tan wenten usaha sang neruwenang, wit sang rumasa katetahan utawi kajerihan wenang mesadok ring Prajuru, tur risampun keparitatas kalugra ngicalang pepayonan inucap sakewanten patin pepayonan patut ketawur manut panglokika sane nepasin.
- (4) Sang keni pamidanda penyanggaskara saha prabea manut perarem arep ring wewangunan sang kerubuhan. luwire :
- a. Sang neruwenang sang sinaggeh mayanin prade pungkut ngerubuhin wewangunan krama tios ;
 - b. Sang notor munggal utawi ngebah taru tur ngerubuhin Krama tios.
- (5) Krama Desa patut ngemanggehang kawerdian tanem tuwuh sane ngawinang desane seri tur lesteri, saha tan kapatutang ngebah taru sadereng polih wak-wakan Prajuru utawi pituduh Guru Wisesa.

Kaping 3

W e w a n g u n a n

Pawos 27

- (1) Nyabran ngewangun patut :
- a. Mesadok ring Prajuru, ping ajeng prade wewangunan nganinin wates ;
 - b. Ngangge

- (3) Prade ring desa kehanan jiwa bhaya, patut desane ngaturang bhuta Yadnya tur sang meyanin katur ring sang ngawewenang.
- (4) Prade wenten jatma manisuh utawi nguman - nguman jatma tios, kekeninin pamidanda bea petamil tebasan prayascita manut perarem.

Pawos 30

- (1) Sang manggihin kehanan artha bhaya (kemalingan), patut ngulki mapitulung manut ring pawos 16 (2) aksara b, utawi sang kemalingan atur supeka ring Prajuru desa sane pacang nimbangin utawi nuntut anut Uger-Uger Guru Wiseesa saha mawuwuh penyanggakara prade wenten jatma ngemaling barang einanggeh suci.
- (2) Pratingkahe mapillon ring duata kebawos saroro prade wenten jatma manggihin maling tan nyadokang ring Prajuru jantos jatma tios nyaduang patut kedanda kadi dandaning maling, sakweh pengargan wit manut cacakan Desa, tur prade jantos ping tiga melaksana sapunika wenang kasukserahang ring sang ngawewenang.
- (3) Prade wenten jatma ngereresh neramon, minakadi kayu, saang, daun kelapa, ron, lan sepenunggalannya tanpa sadok ring sang nruwenang, prade kacunduk (ketara) patut kedanda kadi dandaning maling.
- (4) Yening wenten jatma ngeranjing kepakubon wiadin kepekarangan jatma tiyos rikala suwung, mewastu sang madruwe karang keicalan, wenang jatma inucap ketuwakang antuk madewa saksi ring Pura Bale Agung.
- (5) Mangda tan ketuwakang manut ring ajeng asing - asing ngeranjing kubon jatma tios patut :
 - a. Matenggeran suara (mekaukan) ;
 - b. Nyantos sang nruwenang Karang rawuh utawi mesadok ring pangapit pinih tampek, maka buatan pengeranjinge ;
 - c. Pemedal karangnya kedagingin sawen maka cihna pengarah rikala suwung.

Kaping 6

Penyanggran Desa

Pawos 31

Krama Desa rikala ngawentenang karya suka duka, patut kesanggra antuk Krama.

a. Prade

- a. Prade ngewangun Pitra Yadnya utawi Manusa Yadnya wenang nunas Penyanggran Desa ;
- b. Pangerombe utawi karya Gotong royong Krama ngantos ping tiga selangkungan punika patut katuran pengingu :
- c. Pengingu rikala Pitra Yadnya anut abot dangan Yadnya prade sakeng semeng ngantos wangi katuran pengingu ping kalih.

Kaping 7

Indik Pariwertl

Pawos 32

- (1) Sehanan warga Desa adat tan kapatutang majejemuhan , ngutang laluhu, mebacin ring Margi Agung tur ring genah sane nenten Kapatutang sane praside ngicalang pesukertan Desa Pakraman.
- (2) Krama Desa patut ngewerdiang ring sajeroning setra Adat nandur sarwa sari mangda setra inucap pekantenannyane asri.
- (3) Telajakan karang sane majeng Margi Agung. Merajan. patut kapiara nyabran rahina tur katandurin sarwa sari.
- (4) Sahanan Warga Desa Adat patut mebersih - bersih nyabran rahina ring karang paumahan sami sakeng telajakan ring ajeng rawuhing got/kekalen lan Margi Agung.
- (5) Sahanan Warga Desa Adat kepatutang madruwe genah mebacin utawi WC.
- (6) Sang sapa sira ugi sane mamurug pidabdab inucap patut keni pamidanda manut uger - uger sakeng Guru Wisesa.

SARGA IV

SUKERTA TATA AGAMA

Palet 1

Indik Dewa Yadnya

Pawos 33

- (1) Pelinggih penyiwaan sewidangan Desa Adat Bukih, luwire :

1. Kahyangan

1. Kahyangan Tiga : Pura Desa/Bale Agung, Pura Puseh, miwah Pura Dalem Gede ;
 2. Pura Puser Tasik ;
 3. Pura Ulun Suwi ;
 4. Pura Rare Angon ;
 5. Pura Sakti ;
 6. Pura Dalem Pingit ;
 7. Pura Tegal Suci ;
- (2) Rahina piodalan soang - soang Kahyangan kadi ring sor :
1. Pura Desa /Bale Agung nyabran Purnamaning Kedasa ;
 2. Pura Puseh rikala Purnamaning Kedasa ;
 3. Pura Dalem Gede nyabran Anggara Kasih Dukut ;
 4. Pura Dalem Pingit rikala Tilem Kasa ;
 5. Pura Ulun Suwi rikala Purnamaning Kelima ;
 6. Pura Rare Angon rikala Tumpek Uye lan Purnama Kelima ;
 7. Pura Sakti rikala Purnama Karo ;
 8. Pura Tegal Suci rikala Tilem Kaenem.
- (3) Pengaci ring pura - pura inucap manut kecap Sastra Agama saha kangkat kelaksanayang, nista, madya, utama.
- (4) Rikala ngelaksanayang piodalan utawi karya sadereng ngemargiang pamuspaan patut karipinin antuk Tri Sandya ;
- (5) Soang - soang Pura inucap ring ajeng kaempon antuk Krama Desa Adat Bukih.

Pawos 34

- (1) Ring Parhyangan Desa Adat Bukih kangkat ngadegang Pemangku Kahyangan Desa, lan Pemangku Prajapati.
- (2) Ngadegang Pemangku inucap angka (1) manut dudonan :
 - a. Nyanjan utawi masemurang, soang - soang mapiteges mapinunas ring ajeng Pura Desa utawi ring balian sonteng, lan sepenunggilanaya :
 - b. Turunan

- b. Turunan utawi ngewaris ;
 - c. Kecatri (pilihan Krama Desa) :
 - d. Mawiwit sakeng Krama Desa Adat Bukih .
- (4) Tan kawenang kaadegang dados pemangku . luwire :
- a. Cedangga, luire : pecang , perot, cungh lan sepenunggilannya ;
 - b. Sang sapa sira ugi sane tan kepatutang anut perarem ;
 - c. Sakit ila, ayan, buduh wiadin edan ;
 - d. Sane mederbe kesucian urip tan becik.
- (5) Prabya kepemangkuan :
- a. Adikea Widhi (ngawintenin) kemenggala saha kelaksanayang antuk sang ngadegang, mehadi Krama Desa ;
 - b. Mapitra Yadnya riwekas, patut kelaksanayang antuk Krama Desa.
- (6) Pemangku patut ngemanggehang sesananing pemangku, luwire tan wenang ajegjuden miwah sane tiisan.

Pawos 35.

Swadarman Pemangku luwire :

- a. Ngabih Dulun Desa rikala ngenterang upakara utawi Yadnya ring Parhyangan Desa Adat, saha kangkat ngenterang Upakara ring sajeroning soang - soang Pakubon Krama ;
- b. Tan Wenang salab sulub yan mamurug wenang pemangku inucap nyepuhin raga ;
- c. Prade sinalih tunggil pemangku Kahyangan tiga kapiambang kengin nyelang Pemangku Kahyang Tiga ring Desa utawi nuur sang Sulinggih ;
- d. Semaliha yen sampun pemangku ngayah tigang rahina ring pura kancit wenten kulawargania padem, mangku inucap tan keneng cuntaka, sakewanten mangku tan budal selami piodalan.

Pawos 36

Pawos 36

Petias utawi olih - olihan pemangku, luire :

- a. Sarin Canang lan sesantun mawiwit sakong aturan upacara pengrawuhan anut pahan ring Dulun Desa :
- b. Luput Ayah :
- c. Luput Rerampen :
- d. Busana arangsukan nyabran ngemasa :
- e. Tios - tiosan manut perarem.

Pawos 37

(1) Pemangku kegentosan riantukan :

- a. Seda :
- b. Pinunas ngeraga, menawi kaperingan lan sepenunggalnya :
- c. Kawosanang antuk krama sangkaning melaksana sane tan patut (Asta Dusta).

(2) Prade mangku kawosanang sangkaning melaksana asta dusta, keni pamidanda manut perarem saha ngewaliang prabiya pewintenan pecak.

Pawos 38

Kasukertan Mahyangan kadi ring eos :

a. Tan Kalugra ngeranjing ke Pura luire :

1. Sang katiben cuntaka, mekadi sebel sakeng ngeraga :

- a. Sebel kandel ngerajasuwala, selami dereng mebersih ;
- b. Sebel madruwe putra, selami dereng kepus odel sane lanang, saha sane lotai ngantos 42 rahina utawi akambuhan ;
- c. Sebel pengantenan, selami dereng mabiyakala, miwah cuntaka sangkaning kepadaman manut sengker ;
- d. Sebel riantukan madruwe keluarga kepadaman/kelayusekaran selami dereng ngelaksanayang Upakara Measpuh utawi Nyeeb Braham.

2. Makta

2. Makta sehanan barang sinanggeh ngoletehin ;
 3. Sato Agung sejawaning rikala marepada ;
 4. Mabusana tan manut kadl tata caraning ngeranjing ke Pura ;
 5. Sedereng polih wak - wakan (pituduh) Prajuru utawi Dulun Desa.
- b. Pratingkahe tan wenang ring Pura :
1. Masumpah (cor), sejawaning pituduh Prajuru lan Dulun Desa;
 2. Makobetan, masebenengan, makolar dados seki lanang wadon, mebacin, mewarih, nyangsang busana, mececepin anak alit, menahin pusingan (santukan punika sekadi rikala mejejahitan patut ngelung busung mecingor lidinya) ;
 3. Munggah tedun palinggih sejawaning pituduh Prajuru/Dulun;
- c. Sang memurug kecaping ajeng, keni pamidanda pemerayascita sepatutnya.

Pawoe 38

- (1) Yen wenten jatma kerawuhan ring Pura, kengin kapintonin prade rumasa kesumbangsan, yan tan wiakti, jatma inucap keesipan kedanda prayascita.
- (2) Prade ring Kahyangan kehanan durmanggala, minakadi kepanca bhaya, pemangku Kahyangan utawi Dulun Desa patut digelis nyadokang ring prajuru mangda marumang krama desa tur ngawentenang pemerayascita sepatutnya.

Palet 2

Indik Resi Yadnya

Pawoe 40

- (1) Sang pacang madeg Pandita utawi Pinandita minakadi dalang saluire jagi ngenterang yadnya patut mesadok ring Prajuru Desa kalih Parisada Hindu Dharma Indonesia.
- (2) Prajuru Desa patut ngawas nitenin tur naweng ngalangin prade wenten kacihnian sasar kekecap miwah Crestane, tur sareng nyakeinin upakara saha nyiarang ring peruman desa tegep rawuhing wates kawenangan ngenterang yadnya.
- (3) Krama desa patut ngaturang ayah sepemadeg miwah ring pengelepas sang eulinggih riwekas katuntun antuk Prajuru.

Pawoe 41

Pawos 41

- (1) Sang sulinggih patut ngeriyinang ngayunin ring wawidangan jagat Desa Adat Bukih sesampune puput wawu kangkat muputang Yadnya kejebar tiis jagat utawi kedura desa.
- (2) Krama Desa sami patut sareng ngawas nitenin ketuntun antuk Prajuru, mangda sehanan Yadnya sane kewentenang kaicen pemuput olih Pedanda utawi Binandita manut kewenanganya soang - soang.

Palet 3

Indik Pitra Yadnya

Pawos 42

Pemargin Pitra Yadnya madudonan manut sekadi ring sor :

a. Pengupakaran sang kelayu sekar :

1. Antuk mendem maka cihna pakingsan ring Ibu Pertiwi selami muptupang prabeaya ;
2. Atiwa - tiwa (upakara pengabenan/pelebon).

b. Upakara upacara Pitra Yadnya riwusan keabenang mewastu munggah daun bingin (ngeroras utawi metuwan) wawu kekeryanang palinggih Dewa Hyang Bhatari.

Pawos 43

Swadharmaning lan tetegenan prade wenten sinalih tunggil Krama Kelayu sekaran :

(1) Sang kaduhkitan patut :

1. Nyadokang ring Bendesa Adat tur nunas tetimbangan ring kawentensannya ;
2. Ngaturin Krana ngerombo nekarya eteh - eteh sawa kedulurin panyembrehma cacang sesida antuk ring pengerombo nganter ke setra ;
3. Prajuru Adat maritatas pemargin sang kaduhkitan, napike pacang kependem, makingsan piyin utawi lantur keabenang ;

4. a. Indik

4. a. Indik salah Pati lan Ngulah Pati manut putusan pesisman Agung Para Sulinggih lan Walaka ring Campuan Ubud, 21 Oktober 1961 sane Kelayu sekaran kadi salah Pati lan Ngulah Pati patut kebawos mati bener (seda biasa) sane kangkat kaupakara kadi ngupakara sawa seda biasa sane sampun ketah memargi, saha kadulurin antuk Upakara penebusan lan pangulapan manut Sastra Agama Hindu ;
 - b. Sang sane seda utawi putus inucap aksara a, utawi seda ring Dura Desa, Rumah Sakit lan genah - genah sane siosan, sodereng kaupakara, kangkat keajak budal hepakubonnya, saha selanturnyane patut kaupakara manut Sastra Agama.
5. Penyanggran Krama selanturnya :
- a. Soang - soang Krama patut nedunin patas manut perarem ;
 - b. Ngerombo ngaryanin eten - eteh sawa, saha kebarengin antuk Krama sane rawuh, makelar ;
 - c. Sami Krama Desa nganter kesetra jantos pemendeman puput.
- (2) Tan kengin ngelelet sawa langkung ring 7 (pitung) rahina, tur patut pilih pangebagan yening sampun mesiram anut paetangan Prajuru Adat ;
- (3) Tan kalugra mendem sawa rikala :
1. Wuku was penganten ;
 2. Semut sedulur ;
 3. Kala gotongan ;
 4. Larong pegelangan : Wraspati penanggal/pangelong ping 6 (enem) ;
 5. Gagak anungsung pati, penanggal ping 9 (siya) ;
 6. Ingkel Wong ;
 7. Rerahinan Jagat :
 - a. Purnama ;
 - b. Tilem ;
 - c. Purwani ;
 - d. Kajeng

- d. Kajeng Kliwon ;
 - e. Pasah ;
 - f. Buda Kliwon ;
 - g. Tumpak ;
 - h. Buda Wage (buda Cemeng) ;
 - i. Anggar Kawih (Anggara Kliwon) ;
 - j. Saniscara Umanis Watugunung ;
 - k. Redite Umanis Ukir (Odalan Bhatara Guru) ;
 - l. Wuku Walanggati, penanggal ping 11 (solas) ;
 - 3. Wuku langkir ngantos Budha Kliwon Paang, (buncal balung);
 - 9. Sasih ke 10 (dasa) tanggal ping 13 (telulas) ;
 - 10. Dewasa keheran manut desa adat.
- (4) Prade wenten kelayu sekar, rikala plodalan, kengin kasurupang tan maupakara tanpa sadok tur nomangi wengi ;
- (5) Tan kalugra nginepang bangbang ;
- (6) Prade sane kelayu sekaran ngadut manik. patut manik inucap kawijilang ziyin wawu kaupakara ;
- (7) Tata cara ngange setra manut pabatangan prajuru miwah dresta.
- (8) Prade pawang mendem sawa ring Setra Desa Adat sane saderengnyane, tan ngeranjing dados Warga Desa Adat (kerob) utawi mawit sakeng Desa Adat tiyos, patut nawur penanjung Batu kewastanin, akehnyane manut perarem.

Pawos 44

- (1) Sane kasinanggeh kacuntaka sekadi ping sor :
- a. Cuntaka antuk kelayu sekar ;
 - b. Cuntaka antuk ngeraja swala ;
 - c. Cuntaka antuk ngembayang putra ;
 - d. Cuntaka antuk keruron ;
 - e. Cuntaka

- e. Cuntaka antuk sakit ila/ buduh ;
 - f. Cuntaka antuk pawiwahan ;
 - g. Cuntaka antuk gamia gamana ;
 - h. Cuntaka antuk salah timpal ;
 - i. Cuntaka yening wenten anak istri mobot nenten keupakara pabiakawonan tur pawidhiwidana ;
 - j. Cuntaka antuk mamitra ngalang ;
 - k. Cuntaka antuk yening wenten anak istri ngembacang putra sadurung maupakara pabiukawonan tur pawidhiwidana.
- (2) Sengker Cuntaka manut kawentenannya :
- a. Cuntaka kelayu sekar, cuntakanna 12 (roras) rahina manut sekadi loka dresta miwah sastra dresta Desa Adat Bukih utawi nyantos Nyeeb Brehma;
 - b. Cuntaka ngeraja swala, 3 (tigang) rahina ngawit saking ngeraja swala utawi selami ngeraja swala ;
 - c. Cuntaka ngembacang putra, kepus Odel sane lanang ngawit saking putrane embas, utawi ngantos sampun kaupakarayang mekehambuhan tur meperayascita manut sekadi Agama, sane istri ;
 - d. Cuntaka keruron, cuntaka nia sbulan pitung rahina (42 Rahina) tur sampun matirta pemerayascita, lanang 3 (tigang) rahina ;
 - e. Cuntaka pawiwahan , cuntakania ngantos sesampune matirta pabiakawonan ;
 - f. Cuntaka gamia gamana, cuntakania ngantos sesampune kepalasang utawi mecapihan tur sampun kawentenang pemerayascita raga tur kawentenang pemerayascita desa adat/Kahyangan ;
 - g. Cuntaka salah timpal, kapuputang sekadi manut ring Agama Hindu antuk Krama Desa Adat Bukih ;
 - h. Cuntaka anak istri mobot nenten kewentenang upakara pabiakawonan, cuntakania ngantos kawentenang upakara pabiakawonan ;
 - i. Cuntaka mamitra ngalang, cuntakania ngantos kawentenang upakara pabiakawonan ;
 - j. Ngembas

j. Ngembas putra nonten kewentenang upakara pabiakawonan miwah upakara pawidiwidana, cuntakania ngantos wenten sane memeras sang putra, tur sampun kewentenan upakara sekadi manut ring ajaran agama Hindu ;

k. Prade sinalih tunggil warga Desa wenten ngembasang Putra kembar utawi buncing tan patut kabawa ngelelehin Desa dwaning sapunika cuntakania patih sekadi ngembasang putra biasa.

(3) Cuntaka Kelayu sekar/kepedaman :

a. Kependem cuntakania :

1. Pengapit, pemapas/perumbak pekarangan lan Desa ngantos 3 (tigang) rahina saha sampun mesapuh ;

2. Kulawarga ngarep 12 (rogas) rahina saha sampun mesapuh.

b. Keaben cuntakania :

Sang nyambut karya Pitra yadnya cuntakania ngawit sakeng mundunin rauh riwas yadnyannia (mepegat) saha sampun mesapuh.

(4) Sane ketiben cuntaka luwire :

a. Kelayu sekaran sane kacuntaka :

1. Sang sane kelayu sekaran ;

2. Kulawargannia;

3. Desa.

b. Ngeraja swala sane kacuntaka sang sane ngeraja swala ;

c. Ngembas putra, sane kacuntaka kulawargannia sane ngembasang putra lanang wiadin istri ;

d. Pawiwahan, sane kacuntaka sang sane kaupakara pawiwahan lanang wiadin istri ;

e. Keruron, sane kacuntaka kulawargannia lanang wiadin istri ;

f. Gamia gamana, sane kacuntaka sang sane ngelaksanayang gamia gamana lan desa adat nyane ;

g. Anak istri mobot sane tan kewentenang upakara pabiakaonan, sane kacuntaka sane meraga istri (sane mobot) ;

h. Memitra

- h. Memitra ngalang, kacuntaka sane ngelaksanayang memitra ngalang ;
- i. ngembas putra tan kawentenang upakara pabiakaonan miwah upakara pawidhiwidana sane kacuntaka :
 - 1. Sang sane ngembas putra ;
 - 2. Putra sane embas ;

Pawos 45

- (1) Atiwa - tiwa (pengabenan) kelaksanayang manut dresta.
- (2) Panemayan Pengabenan wenten kalih Pawos :
 - a. Ngaben Dadakan/bahbangun, kedadosang sejeroning mesengker awuku utawi 7 (pitung) rahina ;
 - b. Ngaben ngemasa utawi nuasa .

Pawos 46

- (1) Peputusan pengabenan sakeng Krama manut perarem.
- (2) Sang madruwe Kelayu sekaran polih pangerombe sakeng Krama ngawit tigang rahina sadereng karya, saha indik patedunan krama lanang wiadin istri manut kawentenan karya tur manut sekadi pinunas sang meyadnya.

Pawos 47

- (1) Sajeroning Krama Desa nyanggra Pitra Yadnya, prade Krama sane nyambut karya matempungang sawa sane mawiwit sakeng Desa Adat tiyosan utawi pecak tan ngeranjing dados Warga Desa Adat (kerob) patut nawur penaub karya soang - soang sawa, akehnyanne manut perarem.
- (2) Prade sinalih tunggil Krama Desa pacang metempungang sawa ketiyos Desa Adat sajeroning ngewangun Pitra Yadnya, Krama Desa patut ngerombe ritatkala nanging sawa kemawon ngantos puput ring setra saha sang madruwe karya wantah patut ngaturang panyembrahma sawentena.
- (3) Tios - tiosan pemargin Atiwa - atiwa kadi inucaping ajeng indik pemargi - pemargi anut pidabdab perarem.

Palet 4

Palet 4

Indik Manusa Yadnya

Pawos 48

- (1) Manusa Yadnya inggih punika upacara - upacara dharmaning manusa, ngawit sakeng patemoning kama nang esjeroning garba, ngantos kelayu sekar riwekas.
- (2) Upacara kadi ring ajeng madudunan kadi ring sor :
 - a. Magedong - gedongan duk pengerampilan ibiang ;
 - b. Duk sang kama reka medal ;
 - c. Roras rahina ;
 - d. Tutug kambuhan 42 (petang dasa kalih) rahina ;
 - e. Nigang sasihin ;
 - f. Pawetuan /cton/odalan (enem sasih) ;
 - g. Tutug Kelih (ngeraja wedana, ngembakin utawi ngeraja singa lanange) ;
 - h. Metatah (mepandes) ;
 - i. Mawiwaha ;
 - j. Mewinten.
- (3) Upacara - upacara inucap nieta, madya, utama manut sastra Agama saha catur dresta maka buatan desa dresta ngawinang sima cara desa.

Palet 5

Indik Butha Yadnya

Pawos 48

- (1) Butha Yadnya inggih punika upacara biakala ring pertiwi lan kahyangan, sarwa perani saha upacara - upacara ring bebutan.
- (2) Upacara biakala ring sarwa perani, luire :
 - a. Ring sarwa tumuwuh ritatkala tumpek Pengarah (Saniscara Keliwon Wariga) ;
 - b. Ring

- b. Ring sarwa ingon - ingon rikala Tumpak Uye (Saniscara Kliwon Uye) ;
 - c. Upacara pakala - kala manusa anut wiguna , kebawos pabyakala.
- (3) Upacara pabyakala ring pertiwi, kahyangan lan bebhutan kewastanin mecaru.
- (4) Upacara inucap ring ajeng nieta, madya, utama, manut wiguna kadi ring eor :
- a. Eka Sata ;
 - b. Panca Sata ;
 - c. Panca Sanak ;
 - d. Resi Gana ;
 - e. Taur Agung ;
 - f. Panca Kelud.
- (5) Sejawaning kadi ring ajeng kawentenang upakara :
- a. Majot - jotan utawi Yadnya Sesa nyakran wusan ngerateng ;
 - b. Mesapuh - sapuh rikala pacang wali ring Pura ;

Pawos 50

- (1) Ngangken ngewarsa rikalaning Tilem Kesanga kawentenang tawur kesanga , ketah kebawos ngerupuk maka cihna pacang mapag rainan penyepian benjangne.
- (2) Upacara Penyepian sawe pacang kamargiang antuk krama desa :
- a. Amati geni , tan kengin maapi - api ;
 - b. Amati karya tan kengin nyambut karya ;
 - c. Amati lelanguan , tan kengin maoneng - onengan, masuara goro lan sepenunggalannya ;
 - d. Amati lelungan , tan kengin malunga - lungaan .
- (3) Faberatan inucap kamargiang sakeng semeng ngantos benjangne semeng raris kasuarayang kulkuh pinaka cihna pengembak .

(4) Sang

- (4) Sang mamurug kecaping ajeng keni pamidanda manut perarem desa adat kemargiang antuk petelik (pecalang desa).
- (5) Rivus rahina Nyepi benjangna maha : ihna pengawit leoka Warea patut soang - soang warga Desa sami ngahonna.
- (6) Indik penyepian Desa patut kemargiang riwason ngemargiang karya maha masuwe arahina, maha indik peberatan wantah ten kedadosong ngelaksanayang karya desa ngatinia indik tash ring sawewidangan Desa ngantun wantah cihna pengubah prade mamurug keni pamidanda manut perarem.

BARGA V

SUKERTA TATA PAWONGAN

Palet 1

Indik Pawiwahan

Pawoe 51

- (1) Pawiwahan inggih panika petemoning parusa predana melarapan panunggalan kayun maha citta saduluran upakodi sekola atikala.
- (2) Penglaksanaan pawiwahan luire :
 - a. Pepadikan kemonggala antuk pakrunan ;
 - b. Ngerorod , merangkat riwin waw. kahrunayang ;
 - c. Nyeburin utawi sentana nyeburin risampun nganutin upakara pamerasan.
- (3) Pidabdab sang pacang mawiwaha patat :
 - a. Sampun manggeh deha terans (prasida nganutin Undang - Undang Perkawinan) ;
 - b. Sanghanting pada rena (tan kepakas) ;
 - c. Manut kecaping Agama (tan Gamia gamana) ;
 - d. Kawisudayang (Sudi Wadani) prade pengambile ties Agama miwah kepati wangi.
- (4) Pemargin Pawiwahan mangda taler nganutin Undang - Undang Perkawinan saking sang ngawewenang.

Pawoe 52

Pawos 52

- (1) Pawiwahan sane kepatutang ring desa sekadi ring sor :
- Sampun kemargiang pabyakala utawi pesakapan, kesekaliang sekala nikala antuk Prajuru lan Dulun Desa ;
 - Patut nawur pakerang ring Pura Bale Agung antuk Serana anut pidabdab pararem ;
 - Wenten pasaksi Prajuru sane mapokelingang utawi ngilikitayang pawiwahan ;
 - Soang - soang sang mawiwaha patut ngaturang pangrebutan ring Pura Bale Agung, prade samurug tan kedadosang ngeranjing ke Parhyangan Desa ;
 - Sampun matengeran suara kulkul maka cihna sampun sah meperabian ; Prade sang mawiwaha ketiyos Desa, patut sang ngambil nawur prasbeya pangelus kerob akehnyane manut pararem;
 - Pawiwahan inucap ring ajeng sampun kecatatang ring Kantor Camat utawi Kantor Catatan Sipil Kabupaten Daerah Tingkat II Bangli.
- (2) Perabian sane tan manut kadi ring ajeng sinanggeh tan patut

Pawos 53

Tata caraning perabian patut sekadi ring sor :

- Sapa sira ugi pacang ngowaragang pekuluwarga patut meadok ring Prajuru, selanturnya prajuru maritatas anut tan manut kekecap perabiane;
 - Pemargin pepadikan anut dudonar.
 - Pakrunan jantos ping tiga, saha soang-soang melarapan antuk :
 - Antuk canang Takau ;
 - Keping kalih antuk canang lan sajeng ;
 - Keping tiga antuk tipat Bantal, kebawos pemuput pepadikan.
 - Risampun pragat raris sang istri keajak budal ring pahubon sang lanang, saha kalanturang antuk pabyakala.
3. Mangda

3. Mangda pragat tumus sekala niskala, caris kuluwarga purusa makta pejati matipet bantal ring merajan wadone.
- c. Prade ngerorod/merangkat patut :
1. Reraman lamang ngewenteng pamilaku antuk duta sekirangnya 2 (kalih) diri;
 2. Pagenahan antene tan kengin ring pakubon sang lanang sadereng mabyakala.
- d. Sajeroning pakrunan /pengelakuan patut :
1. Kamenggala antuk geng pengampura arep ring reraman wadone ;
 2. Kaigumang bawos idih pakidih utawi pelegayan arep ring pasuwakan sang ngidih saha dewasa pakrab kambean riwekas;
 3. Kecihnayang indik kapurusa utawi prade sentana rajeg kajejerang kepatut ngidih anak lanang sane kebawos pawiwahan nyeburin, tur risampun sulur pamerasan kategepin kamanggehang sentana nyeburin;
 4. Prade tan terima pelakuan pejati pakrunan kemargiang jantos ping tiga, yening antene sampun ngenutin pidabdab sang pacang mawiweha, upakara patut kelaksanayang saha kamanggala antuk Prajuru Adat.
- e. Pekrabkambean mapiteges upacara tinas apadang (puput) mapikuren, dwaning manut sekadi ring sor :
1. Sajeroning kabawos ambe, kelaksanayang ring sekala niskala antuk ebrana jejauman miwah pawidi widana :
 - a. Jejauman pinaka ngambe/ngadungan kayun soang-soang pakulawarga wadone;
 - b. Widi widana pinaka pejati niskala nunas wadone ring pemerajan kemulanya .
 2. Sajeroning bawos kerab pelaksana ring sekala :
 - a. Antuk pesaksi Krama Desa dwaning kekerabang antuk tengeran kulkul;
 - b. Pamekas penyaksi Prajuru lan Dulu-dulu saha ngilikitayang.

Palet 2

Palet 2

Indik Nyapian

Pawos 54

- (1) Pawiwahan prasida kawusang melarapan antuk palas perabian utawi kepademan.
- (2) Wusan mapikuren risantekan sinalih tunggil seda mapiteges balu, mekadi balu lanang / latri.
- (3) Palas perabian wenten kalih pawos . Loggih punika sangkaning pada lila miwah mawiwit wicara .
- (4) Sang ayat palas merabian patut atur supeksa pailikitan riyin ring soang rumawos (Pengadilan Negeri) wastu tinas apadang pemutuse kabawos nyapian wawu Prajuro nyiarang kawentenannya ring Desa saha keni pamidanda manut perarem.

Pawos 55

ata cara palas perabian sangkaning pada arsa/lila sekadi ring or :

- . Nawur prabeya pesaksi sinalih tunggil sami matenga ;
- . Pagunakaya polih pahan pada ;
- . Babekel, tatadan soang-soang kekuasa niri-niri miwah warisan kekuasa antuk purusa ;
- . Ngeweruhin miwah ngupajiwa pratisentana manut swadarmaning guru rupaka ;

Pawos 56

ade riwekas sang palas kecihnan adung malih, patut :

Ngelaksanayang pawiwahan malih ;

Kedanda nikel saking palase, yadiastun wit palase pecak sangkaning pada lila (arsa).

Pawos 57

) Sang balu kebinayang dados :

a. Balu luh wit sentana (sentana rajeg) miwah balu luh boya sentana ;

b. Balu

- b. Balu muani kapurusa (wit sentana) miwah balu muani nyeburin (boya sentana).

Swadharmaning balu inucap patut :

- a. Ngemanggahang patibrata tan kengin ngemargiang paradara/drati krama ;
- b. Nguasayang waria pagunakayan, tan dados ngadol, ngadeang, makidihang len siosan punika, bejawaning kebebasan saking pianak utawi kulawarga pinih tampak saking kurenannya prade pianak kantung alit - slit;
- c. Kengin ngidih sentana prade wenten pidabdah sedurung sinalih tunggil padem, saha kutasayang kebebasan antuk kulawarga singgih kapurusa ;
- d. Kawenangang kawiwaha malih, yening sampun mawaneng tigang saeh, prade kantung mobot nyantoe potrane embae.

Pawos 58

a. kaucap tan pagedi sekadi ring sor :

Dratikrama utawi paradara ;

Katilar saking pakubon tan pesadok jantos 6 (enem) saeh ;

Lempas ring swadharna sewos - sewos, tan prasida ngesehin solah maprawerti arep ring pituduh kulawarga purusa.

Pawos 59

pa sira Ugi Warga Desa Adat Bukih tan kapatatang ngerabi wong abi, prade mamurug kedanda mamut perarem saha prade wicaranya ; prasida bebawosin ring pekramaan patut kasukserah ring sang awiwenang.

Palet '3

Indik Sentana

Pawos 60

Sentana wenten kalih pawos, sane kaucap pratisentana miwah sentana paperaan.

(2) Pratisentana

- (2) Pratisentana inggih punika sentana sane metu saking pawiwahane kepatut.
- (3) Prade pawiwahane tan kepatut ngewetuang sentana, mangda tan kantong kawastanin bebinjat utawi aetra yogia kemanggala antuk penyanggaskara utawi eesipatan.
- (4) Prade pawiwahane tan ngewetuang sentana kengin, ngidih sentana upasaksi antuk sekala niskala sane kawastanin sentana paperaan .
- (5) Sentana rajeg inggih punika , pratisentana wadon (predana) sane kemanggehang lanang (purusa) tur risampun ngelaksanayang pawiwahan nyeburin.
- (6) Sang sane dados kearsayang dados sentana rajeg inucap wiwit (5) , inggih punika :
 - a. Pratisentana wadon tunggal ;
 - b. Sampun kemanggehang dados pratisentane lanang (purusa) ;
 - c. Kapawiwahan keceburin , kautamayang antuk jatma sane maagama Hindu utawi jatma sane meagama tiyosan sane sampun ngelaksanayang pamarisuda raga ;
 - d. Sane ngemanggehang sentana rajeg patut mapasadok ring prajuru Desa, saha prajuru Desa patut nyiarang ring Desa Adat .

Pawos 61

- (1) Ngangkat sentana manut dudonan patut makacihna artha berana pemerasaan sane kesinaksiang sekala - niskala.
- (2) Sapa sira ugi krama pacang ngidih sentana patut mesadok ring Prajuru Adat sanistane asasih eederang pemerasaan.
- (3) Bendesa Adat kangkat kawakilin antuk Prajuru Adat tiosan nyiarang ring sewidangan desa, sane sapa sira ugi rumasa tan lila mangda nyadokang masengker kalih wuku sabanen pemerasaan ring Bendesa Adat.
- (4) Prajuru desa digelis nawosin saha ngicenin pemitue nepek ring catur dresta miwah perarem.
- (5) Prade sulur peperasaan ten manut ring kecaping ajeng, Prajuru Desa wenang ngandeg sang pacang mekarya, saha ngicenin penuntun, mangda kepuputang riyin bebawos / sulur utawi wicaranya.

Pawos 62

Pawos 62

- Peperasaan sane ring desa risampun maka cihna :
- Widi widana pemerasaan ;
 - Kesaksinin antuk Prajuru lan Dulun Desa , sane makelingang utawi ngilikitayang, tur ;
 - Kesiarang ring wewidangan desane.
- Sane kepatut peras angge sentana kadi ring bor :
- Jatma meagama Hindu ;
 - Pepernahan nedunang saking sang meras ;
 - Kulawarga saking purusa; prade ten wenten kengin saking wadon yening taler tan wenten wawu kengin sekana - kama (saking kayun) ;
 - Kautamayang saking waris pancer kapurusa ;
 - Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang magama Hindu.
- Kengin ngangkat sentana lintang ring adiri, lanang wiadin wadon.

Palet 4

Indik Warisan

Pawos 63

Warisan inggih punika tetamian artha berana saha ayah - ayah ngupadi sukertan sekala niskala saking keluhurannia arep ring turunannya.

Sane sinanggeh warisan luire :

- Duwe tengah, mekadi tegal ayahan desa, kahyangan, pusaka, lan sepenunggalannya ;
- Pemerajan utawi sanggah ;
- Pegunakaya, tatadan, jiwa dana, hutang piutang.

(3) Wawu

Nawu kengin kebawos warisan prade wenten :

- a. Sang mapiturun (pewaris) ;
- b. Keturunan (ahli waris) ;
- c. Artha berana miwah tetegenan (ayah - ayah) makacihna warisan.

Pawos 64

Ahli waris , luire :

- a. Pretisentana purusa ;
- b. Pretisentana predana (sentana rajeg) ;
- c. Sentana peperasaan lanang / wadon ;

Prade tan wenten sekadi ring ajeng, kang sinanggeh ahli waris:

- a. Turunan purusa pernah ngunggahang , rerama lanang pekak selantur ipun rerama misan mindon ;
- b. Turunan purusa pernah kesamping mekadi keponakan miwah mindon.

Pawos 65

urmaning ahli waris patut :

rima saha nguasayang tetamian pahan saking keluhurannia, kadi ngerempon sanggah , para saha pengupakarannia miwah eledihin ayah - ayahan pewaris ;

abenang pewaris saha ngelanturang upacara - upacara pitra ;

wurin hutang - hutang pewaris sane mamut penglokika.

Pawos 66

pahan warisan nganutin sekadi ring sor :

sampun kelaksanayang pitra yadnya lan hutang - hutang waris buntas ketawur ;

ra ahli waris polih pahan pada sangkaning pegunakaya, jabaning karang, tegal, ayahan desa keamong antuk ahli ris kang sinanggeh krama ngarep.

c. Sinalih

Sinalih tunggil ahli waris kengin tan polih pahan prade :

1. Nilar kawitan lan sesenaning Agama ;
2. Alpaka Guru Rupaka ;
3. Sentana rajeg kesah mawiwaha utawi pratinentana nyeburin , soang - soang kebawos ninggal kedaton.

Boya ahli waris kengin muponin hasil anut dudonan , luire :

1. Sentana luh, selami dereng kesah mawiwaha utawi alpaka guru miwah prade pianak tan keangkenin antuk wong tua rare inucap, kengin ngewaris wantah pikolih (paguna kaya) sentana luh inucap kemawon ;
2. Balu luh wiadin muani nyeburin (soang - soang boya sentana) ;
3. Mulih deha utawi teruna, riantukan ring pawiwahane, tatadan / bekel, maka cihna-paweweh tetep ring pianak sane kesah mawiwaha.

Pawos 67

) Prade sejeroning pakulawarga wenten ahli waris langkungan ring adiri patut :

- a. Kawentenang paigumen indik pedum waris inucap ;
- b. Yen tan prasida katunasang tetimbangan ring Prajuru (kerta desa) ;
- c. Prade taler tan wenten cumpu ring penepas kerta dosa kengin ketunasang ring sang rumawos (Pengadilan) .

) Prade karang inucap keputungan, patut prajuru Desa nibakang ring :

- a. Sang sinanggeh ahli waris manut pawos 64 ;
- b. Sang kengin anggen sentana anut pawos 62 (2) miwah (3) ;
- c. Prade taler tan wenten cumpu ring penepas kerta desa, kengin ketunasang ring sang rumawos (Pengadilan Negeri) .

SARGA VI

SARGA VI

WICARA LAN PAMIDANDA

Palet 1

Indik Wicara

Pawos 68

- (1) Sane wenang mawosin mekadé mutusang wicara ring desa inggih punika prajuru Desa sinanggeh kerta desa.
- (2) Prade sang mawicara tan wenten dawa ring pamutus kerta desa, kengin nunasang wicara inucap ring sang rumawos (Pengadilan).

Pawos 69

- (1) Sahanan wicara mawiwit kecorahan sakaluire sinanggeh nungKasin daging awig - awig, paeuara miwah perarem Desa, Prajuru patut digelis mawosin tan nyantos pesadok.
- (2) Sejabu wicara kadi ring ajeng patut nyantosin pesadok sang nunas bawos.
- (3) Panepase patut pastika nyantenang iwang patut melarapan Tri Pramana (Saksi, ilikita, bukti) miwah tan maren nepek ring Catur dresta.

Palet 2

Indik Pamidanda

Pawos 70

- (1) Desa wenang niwakang pamidanda ring warga desa sane sisip.
- (2) Peniwak inucap kelaksanyang olih Bendesa Adat.
- (3) Bacakan pamidanda luire :
 - a. Ayahan panukun kesisipan ;
 - b. Danda artha (dosa, danda saha panikel - panikelnya miwah panikel - panikel urunan) ;
 - c. Rerampagan ;
 - d. Kedaut

- d. Kedaut karang utawi tegal ayahannya ;
 - e. Kesepekang ;
 - f. Penyanggaskara.
- (4) Pamidanda sane katiwahang patut mesorsingih manut ring kesisipane.
- (5) Jinah utawi raja berana pamidanda ngaranjing dados druwen Desa.

Palet 3

Indik Rerampagan

Pawos 71

- (1) Krama sane langkungan ring tigang paruman ngelantur tan nawur urunan miwah dedenden wenang kerampag.
- (2) Rerampagan ngangge tata cara kadi ring sor :
- a. Kelakeanayang antuk Prajuru kasarengin antuk krama tigang diri pinaka saksi ;
 - b. Sang ngerampag saha darsana ngambil artha utawi nyawenin tanem tuwuh sakehnya manut ring hutang sang kerampag ;
 - c. Prajuru Desa miteketang mangda Artha sane kerampag digelis katebus, masengker awuku ring kutus rahina pacang headol ;
 - d. Tan nganinik saluwiring artha sane patut inggilang manut Agama miwah tan mademang pangupajiwa sang kerampag.

Pawos 72

- (1) Prade sang pacang kerampag ngewara (ngalangin) pelaksanaan inucep mewastu sampun tan nganutin awig - awig desa wenang karang desa sane kagenahin kedaut antuk desanne.
- (2) Semaliha yen wenten purun taler ngalangin pelaksanaan kadi ring ajeng tan wenter pemargi sejawaning kesepekang antuk Krama Desane.
- (3) Pamidanda inucep ring ajeng buncas risampun sang kekaninin :
- a. Nunas geng pengampura ring Krama Desa riantuan nguak pasubaya (pararem) pecak ;

b. Nawur

- b. Nawur pengangan penguak pasubayane duk pacang kerampag kadulurin prayascita panyapsap kaiwangane ring desa.

SARGA VII

NGUWAH - NGUWUHIN AWIG - AWIG

Pawos 73

- (1) Nguwah - nguwhin Awig - awig Desa Adat puniki kelaksanayang antuk Paruman Desa.
- (2) Awig - awig puniki kemargiang ngawit keingkupin (keraremin) .

Pawos 74

- (1) Sakaluring sane wenten saderengaya patut keanutang ring sedaging Awig - awig puniki.
- (2) Sakaluring sane durung kebawos sajeroning Awig - awig puniki patut kelaksanayang manut tatacara sane sampun memargi kadulurin antuk perarem - perarem.

SARGA VIII

P A M U P U T

Pawos 75

- (1) Awig - Awig puniki keraremin duk rahina Soma Pon Wuku Sinta Purnama Sasih Karo Isaka Wares 1916 Tanggal Masehi 20 Agustus 1994 ngambil genah ring Natar Balai Desa Bukih .
- (2) Awig - awig puniki kalingga tanganin antuk Prajuru Desa Adat kasarengin antuk Kepala Dusun Belancan, Kepala Desa Belancan lan Camat Kintamani pinaka saksi.

(3) Luwir

(3) Luwir Sang Ngelingga Tanganin :

I. Prajara Desa :



Desa Adat Bukih,

Kecamatan Lanus.

2. Pangliman,

Ketut Polih.

3. Penyarikan,

I Wayan Ceraken.

4. Patengen,

I Wayan Pageh.

II. Pinaka Saksi :

1. Kepala Desa Belancan,



Nengah Wadi.

2. Kepala Desa Belancan,



Ketut Centiada.

Kintamani.
Dns. Heng Nurjaya.

Bangli : 22 Agustus 1994.

Reg. No. : 30 Tahun 1994.

KEPALA DAERAH TINGKAT II BANGLI,
BAGUS GDE AGUNG LADIP, SH.